



# UNUGGA XIRIIRKA KOMUYUUNATIGA

QEYBTA BOOLISKA ee COLUMBUS • XAFIISKA JAWAABAHA ISTARAATEJIGA AH

## Tallaaboyinka Dacwad-oogidda Dembi Xun

Dacwooyinka dembiyada xun waxa xareeya booliska. Dembiyada xumi waa kuwo adag oo keeni kara in eedeysanaha loo diro jeelka. Dembiyada xunxun waxa dacwad ku soo oogga:

Dacwad-ooggaha Degmada Franklin County  
373 S. High St., 14th Floor  
Columbus, OH 43215  
Telefoonka (614) 525-3555

Haddii aad adigu booliska kala xiriirtid dembi xun, waxay inta badan u dirayaan dembi baare si uu dacwadda u soo baaro. Marka uu dembi baaruhu rumeysto inuu hayo caddeyn ku filan, wuxuu kiiska u gudbinayaa Dacwad-ooggaha Degmada Franklin County.

### 1. Guddiga Xeer-beegtida Weyn

- Dacwad-ooggaha Degmada Franklin County ayaa macluumaadka booliska hordhigga Guddiga Xeer-beegtida Weyn oo go'aamisa haddii la xareynayo ama aan la xareyneynin dacwooyin dembi ah.
- Waxa laga yaabaa in eedeysanuhu uu jeelka ku jira waqtigan haddii uu boolisku xareeyey waaran.
- Waxa laga yaabaa in dhibbanaha laga codsado inuu marqaati ka hor furo guddiga.
- Guddiga Xeer-beegtida Weyn uma furna dadweynaha oo macluumaadku waa sir. Eedeysanuhu ma joogo goobta.
- Haddii aan mar horeba la xirin eedeysanaha, waxa laga yaabaa in waaran loo gooyo ka bacdi dhageysiga Guddiga Xeer-beegtida Weyn.

### 2. Maxkamad saarid

- Eedeysanaha ayaa bareerhiisa dhiibta (oo inta badan ah 'Ma Sameyn Dembi').
- Waxa laga yaabaa in la codsado Amar Illaalin ah.
- Xaakinka ayaa sheega caddadka lacagta furashada. Waxa laga yaabaa in eedeysanuhu uu awoodo ama aanu awoodin inuu jeelka ka baxo.

**FIIRO GAARA: La xiriir xafiiska VINE wixii macluumaad ku saabsan heerka xiritaanka eedeysanaha.**

### 3. Shirka ka hor xukun saarka

- Qaaddiga maxkamadda xukun saaridda waxa laga yaabaa inuu qabto shir ka horreeya xukun saarka oo uu la kulmo dacwad-oogaha iyo qareenka difaaca si ay uga wada hadlaan kiiska.
- Inta badan looma baahna inuu dhibbanuhu goob joog ahaado.

#### 4. Xukun Saar

- Kiiska waxa la geyn karaa xukun saar (trial) halkaas oo uu guddiga xeer-beegtida ama xaakinku go'aamin karaan in eedeysanuhu dembiga galay ama aanu galin ka bacdi marka ay dhageystaan dhammaan caddeymaha.
- Waxa laga yaabaa in dhibbanaha laga codsando inuu maxkamadda yimaaddo, laakiin duruufaha qaarkood awgood waxa laga yaabaa in dacwad-ooguhu dhibbanaha saaro telefoonka.
- Inta badan dhibbanuhu waa inuu ka marqaati fura xukun saarka.

**FIIRO GAARA:** Waxa jiri kara taariikho badan oo xukun saar ah oo la qabto. Sii waddidda xukun saarku waa iska caadi, oo maaha wax sheegaya xoogga ama muhimadda kiiska. (Inta badan, taariikhda xukun saarka waa la sii wadi doonaa sababo jadwal ahaan ah).

#### 5. Baarista Ka Hor Xukunka (Pre-Sentence Investigation)(P.S.I.)

- Warbixinta baarista ka hor xukunka waxa la diyaariyaa si xaakinka loo siiyo macluumaadka uu u baahan yahay inuu ku xukumo eedeysanaha. Waxa laga yaabaa in dhibbanuhu uu weertiisa ku darsado warbixinta.

#### 6. Go'aanka Xariga

- Dhibbanuhu wuxuu xaq u leeyahay inuu dhageysiga go'aanka xariga ka hor sameeyo ama yiraahdo weerta raadreebka dhibbanaha. Caawiyaha marqaatiga dhibbanaha ah ayaa adiga kaa caawin kara weerta raadreebta dhibbanaha.
- Xaakinka ayaa go'aamin doona ciqaabta la saarayo eedeysanaha. Ciqaabtaas ayaa u dhaxeyn karta sii-deyn tijaabo ah (probation) iyo/ama ganaax illaa waqti xabsi ah, taas oo ku xiran dembiga iyo qoddobo kale.

#### 7. Racfaan

- Haddii eedeysanaha lagu helo inuu sameeyey dembiga, waxa laga yaabaa in eedeysanaha iyo looyarkiisu racfaan ka qaataan go'aanka iyo/ama xariga maxkamadda.
- Haddii eedeysanuhu oggolaado heshiiska qirashada, inta badan wax racfaan ihi ma jiro.

#### FIIRO GAARA:

- Xasuusnow - waxaad heli doontaa caawiyaha marqaatiga dhibbanaha ah si uu adiga kaaga caawiyo baroosaska.

- Waa bareeraha dacwad-oogaha oo qura inuu tirtiro dacwooyinka, oo adigu ma tihid qofka go'aamin kara in dacwooyinka la tuuro ama la tirtiro.
- Fadlan u diyaargarow inaad wax sugto. Kiisas badan ayaa ka jira qolalka maxkamadda maalin kasta. Waxa laga yaabaa inaad halkan joogto saacado dhowr ah, markaas sidaas ugu diyaargarow (lagugu lama talin maayo inaad baabuurka dhigato boosteejo mitir leh, sababtoo ah waxa laga yaabaa in tigidh lagu jaro). Waa arrin fiican haddii aad soo qaadato wax aad akhrisato.

